

Il catolicissem en il 19avel e 20avel tschientaner

■ Analog al svilup en autras regiuns, ha er il Grischun vis a sa furmar en il decurs da la segunda mesadad dal 19avel tschientaner in milieu catolic serrà. Quel sa drizzava cunter la pusanza politica dal liberalissem e l'avanzament d'idees modernisticas en cultura e societad. Dirigida da la Baselgia ed applitgond structuradas tutavia modernas (uniuns ed associaziuns), ha questa subcultura confessional pudì sa mantegnair fin en ils onns 1960.


Ultramontanissem

Term latin che signiftga «da l'otra vart da las muntognas», vul dir da las Alps, e che marca in'orientaziun teologica conservativa entaifer la baselgia catolica. Duvrà oriundamain mo en il senn geografic, a partir da ca. 1750 per ils aderents dal primat da la Curia romana ed en il senn negativ da hierocratic, antiilluministic, bigot, antipatriotic. En il 19avel e 20avel tschientaner è quest term davenà in sinonim da posiziuns fitg diversas, mo cun in program fundamental comunabel: l'orientaziun vers la Curia romana e sia funcziun da centrar la baselgia catolica, l'ortodoxia neoscolastica, la refutaziun da la controlla statala sur la Baselgia resguardada sco la suletta garantita per mantegnair l'urden statal e social e las valurs moralas, la refutaziun da la concepziun moderna e seculara dal mund e da la vita. En il Grischun è quella posiziun ultramontana vegnida recepida e derasada consequentamain oravant tut tras la «Gasetta Romontscha» (publitgada dapi il 1860) en il cumbat cunter ils circuls catolics liberals enturn Alois e Caspar de Latour che propagavan il Stadi liberal, ils dretgs da libertad individuals e la participaziun activa dals catolics al process da modernisaziun dal Stadi e da la societad che dueva vegnir garantida tras la libertad da pressa e religiuin e tras l'engaschament directiv dal Stadi. A partir dal 1881 determinescha Caspar Decurtins, in ultramontan dechlerà, la lingua politica dal Grischun catolic. L'eliminaziun dals Liberals catolics da la politica (sco davos impurtant Anton Steinhäuser), la retratga dal «Robinson» (cudesch da lectura dechlerà sco pajau) a favur dal «Sigisbert en Rezia» (catolic) ed il success en la defensiun da la scola elementara sco scola confessional marcan il triumf da la posiziun ultramontana en la religiuin e da l'ultramontanissem anti-liberal ed antisecular en la politica dal Grischun catolic. Sin quel fundament sa basan la Partida conservativ-democratica dal 1903 e sias successivas dal temp da l'uschenunada Lavina nera, effizienta fin viaden ils onns 1970. La Lavina nera n'era betg in fenomen specificamain grischun e catolic. Ella resplesda anzi las tendenzas europeicas dal temp: il cumbat conservativ – en il vast senn dal pled – cunter il spiert modern individualistic, secular e religiusamain indifferent. Quella posiziun politica principala ha pussibilità a conservativs reformads da s'integrar en la Partida conservativa grischuna era suenter il 1903 ed ha procurà al Grischun en ils onns 1940 in Cumbat cultural (retardà).

Alois Collenberg

Cumbat cultural

Questa noziun scientifica designescha in conflict tranter il Stadi e la Baselgia prout en il 19avel tschientaner en l'Europa. Intradà dal stadi liberal e da circuls betg catolics e seculars ch'interpretavan il «Syllabus Errorum» (l'enciclica da papa Pius IX dal 1864) e la proclamaziun da l'infalibilitad dal papa tras il Concil vatican (1870) sco in affrunt al spiert scientific modern ed al monopol politic e giudizial dal stadi democratic liberal. En Svizra è il Cumbat cultural davenà virulent en ils onns 1870 en connex cun la revisiun da la Constituziun federala. Grazia a las grondas experientschas da la Repubblica da las Trais Lias e dal chantun Grischun, confessionalmain paritetic,



Il «Cudisch dils Evangelis» (1930) da Placi Sigisbert Deplazes (tenor il gesuit Goffiné) cuntegna commentaris ed instrucziuns da tempra normativa per il pensar ed agir religius, politic e privat da la societad catolica da la Surselva e d'utro fin al Segund Concil vatican.

n'è il Cumbat cultural betg sa manifestà qua en maniera uschè exprimida sco en l'ulteriura Svizra. Il principal n'era da quel temp en il Grischun betg la confessiun, mabain il cumbat politic tranter ils federalists ed ils centralists. Quest cumbat ha uni en ils onns 1870 ils federalists dad omaduas confessiuns ad ina cuminanza d'acziun ch'ha durà fin enturn ils onns 1900. Sensibels eran ins mo en dumondas facticas sco l'occupaziun d'uffizis e da cummissiuns chantunalas, la recepziun dals noviz per la claustra da Mustér (libra dapi il 1881), l'eliminaziun da politichers liberal-catolics (per exempel Anton Steinhäuser) e la tschernà da la lectura per ils cudeschs da scola, per exempel «Sigisbert» cunter «Robinson» (1900) e l'instrucziun d'istorgia e da pedagogia separada tenor confessiun al Seminari scolastic (refusada dal Chantun il 1927). En in clima politic ordvart irrità, caracterisà dal cumbat tranter las partidas politics, ha la baselgia evangelica dal Grischun relaschà l'october 1944 per la dumengia da la Refurmaziun in appel militant, en il qual ella ha exprimì la tema da l'Acziun catolica che vegniva interpretada sco in'attatga sistemática da vart da la baselgia catolica cunter l'urden liberal statal e social. Ils reformads propagavan facticamain in «protestantissem politic» sco cuntrapaìs al «catolicissem politic». Andreas Gadiet sco manader da la Partida democratica e Paul Schmid-Ammann sco autor da la scrittira «Der politische Katholizismus» (1945) han manà il cumbat da pressa en la «Neue Bündner Zeitung» e Benedikt Simeon (pseudonim: Justinus) ha defendì la posiziun catolica en il «Bündner Tagblatt». Questa disputa aveva ils tratgs d'in cumbat cultural retardà ed è ida a fin pir en ils onns 1950. La cuntraversa d'istoricists, prorutta tranter Oscar Vasella e Friedrich Pieth il 1945, ha furmà ina part da quest cumbat cultural. En ed enturn il Cussegl grond sa facheva valair il cumbat cultural plitost a moda atmosferica.

Alois Collenberg

Baselgia cristiancatolica

Constituìda en Svizra tranter il 1871 ed il 1876 en il rom dal Cumbat cultural. Ils

modernissem, cumbain ch'el era in dals pli impurtants teologs antimodernistics dal temp. La Svizra ha contribuì a la cuntraversa internaziunala dal modernissem cun ina disputaziun davart il «modernissem litterar». En il center da la discussiun steva la dumonda, schebain il manaschi litterar stoppia vegnir deliberà da ses cuntegns ideologics u sch'ins stoppia mantegnair la producciun litterara catolica sco part da l'incumbensa ecclesiastica da l'annunziaziun ed obligar perquai ils litterats da sa distanziar da la moderna. En sia critica envers la scriptura austriaca Enrica von Handel-Mazzetti e ses roman «Jesse und Maria» (1906; pliras restampas), disqualifitgà sco «modernistic», è il laic integralistic Caspar Decurtins vegnì sustegnì da Heinrich Federer ch'è sa participà sut il pseudonim Senex a la debatta, apparentamain sut pressiuin da l'investg da Cuir, Georgius Schmid von Grüneck. Lur rinfatscha è dentant vegnida refusada dals integralists moderads Albert Meienberg e Gisler e da gassetas catolicas sco il «Vaterland» e la «Ostschweiz». La disputa davart il modernissem, limitada en Svizra ad in circulo da specialistas dal clerus e da l'elita intelletuala catolica, è ida a fin il 1914. Ils fidavels e la gronda part dal clerus n'èn dentant praticamain betg vegnids tangads da la cuntraversa. Dal 1910 enfin il 1967 han ils spirituals stuì prestar il engrament antimodernistic (drizzà cunter las valurs da l'illuminissem).

Franz Xaver Bischof

Uniuin da Pius

L'Uniuin da Pius è vegnida fundada il 1857 sin iniziativa da Josef Ignaz von Ah. Patrun da l'uniuin è s. Clau da Flia. Sias miras primaras eran la defensiun da la libertad da la baselgia (catolica), l'agir catolic en famiglia ed entaifer il Stadi, la charitat, la cultivaziun da la scienza e cultura catolica (scola) en il stadi laicistic resp. indifferent sin il champ da la religiuin. L'Uniuin da Pius vegniva dirigida d'in comité central da 10 personas e consistiva da societads localas, cirquitalas e chantunalas. Sias radunanzas annualas duravan per ordinari plirs dis. In propagatur prominent da l'uniuin è stà il pader Teodosius Florentini. Enturn l'associaziun centrala è era sa furmada ina rait d'organisasiuns spezialas, per exempel la Missiun interna ed uniuns catolicas da la scola ed educaziun. Il 1899 è l'Uniuin da Pius vegnida renunada en Uniuin svizra dals catolics. Il 1905 è reussida la reuniun da las organizaziuns catolicas en l'Uniuin catolica populara svizra. L'Uniuin da Pius vegniva propagada dapi sia fundaziun a moda intensiva en la «(Nova) Gasetta Romontscha», ella aveva dentant mo paucas secziuns localas en il Grischun.

Hans Stadler

Uniuin cristiana da scola e d'educaziun dal Grischun (UCS)

Il 1832 han ils commembers catolics dal Cussegl grond fundà la Societad per la meglieraziun da las scolas catolicas dal Grischun. Quella ha, ensemen cun l'Uniuin evangelica da scola, fullà via a la scola rurala moderna. Suenter la fundaziun dal Cussegl d'educaziun (chantunal) han ellas pers lur impurtanza e l'uniuin catolica è sa schliada gia il 1842. Dal cumbat dals catolics per il cudesch da scola «Sigisbert en Rezia» en disfavour dal «Robinson» (giuditgà pajau) èn sa furmadats tschintg secziuns catolicas da scolasts: Cuir e conturns, Val d'Alvra, Lumnezia, Foppa e Cadi. Sin iniziativa da Rest Giuseppe Caminada (il posteriur investg Christianus) han var 50 da lur commembers fundà ils 24 d'avrigl 1919 a Panaduz l'Uniuin catolica da scola (emprim president: Sep Mudest Nay) cun la finamira da defender la scola e l'educaziun catolica, sa distanziond cleramain da l'Uniuin svizra da scolasts e da la politica scolastica da quella giuditgada sco laicistica e centralistica. La petiziun dal Corpus catolic dal 1927 en favur d'ina instrucziun separada en ils roms istorgia e pedagogia

al Seminari scolastic è vegnida renviada da la Regenza, ella ha dentant quadruplò il dumber da commembers da l'UCS e schendrà trais novas secziuns ils onns 1928–29. Suenter il 1992 è quell'uniuin sa svilupada pli e pli ad ina societad cristiana d'observanza ecumenica (sut nov num). Commembers: 1920 130; 1932 999; suenter il 1935 ca. 700; a partir dal 2000 passa 2000.

Alois Collenberg

Missiun populara catolica

La missiun populara catolica è ina furma da pastoraziun extraordinaria che vegn da la pastoraziun gesuita. Ella ha servì en las plavs catolicas ad approfondar e renovar la cardientscha e la vita cristiana e a reactivar ils cartents daventads passivs. La missiun populara catolica ha cuntanschì ses zenit tranter il 1850 ed il 1960, in temp durant il qual ella è sa splegada en tut las plavs catolicas en intervalls regulars da diesch onns e dapli. En sia struttura d'organisasiun suandava ella in muster pli u main unitar che consistiva en la missiun da l'entira plav entaifer otg dis u en la missiun da la plav tenor stans socials (uffants, dunnas e giuvenas, umens e giuvenas) entaifer 14 fin 18 dis. En quel temp proclamavan mingamai dus fin trais missiunaris las vardads da la cardientscha catolic-romana en predis, referats, devoziuns e festivitads liturgicas ed intimavan ils cartents da tschaiver ils sacraments. Suenter il Segund Concil vatican (1962–65) è la missiun populara catolica vegnida remplazzada tras autras furmas da pastoraziun sco las emnas da cardientscha, adattadas als basegns moderns d'ina pastoraziun basada sin il dialog. En la missiun populara catolica grischuna eran activs surtut chaputschins, ma era paders d'otra observanza.

Franz Xaver Bischof

Acziun catolica

Las crisas en consequenza da l'Emprima Guerra mundiala avevan alienà numerus circuls da la baselgia catolica. Il clerus na vegniva betg pli a frida sulet cun questa situaziun. Perquai ha Pius XI creà il 1922 cun l'enciclica «Ubi arcano» l'acziun catolica. Il papa ha ordinà als episcopats naziunals da promover l'apostolat da laics, da motivar en general ils laics da collavurar activamain per la (re-)cristianisaziun da la societad e d'als intimar d'agir en tuttas situaziuns da la vita a moda conscientamain cristiana. L'episcopat svizzer ha incità l'Uniuin catolica populara svizra (fundada il 1904 sco successura da l'Uniuin da Pius) da sa sutmetter (1926–27) uffizialmain als investgs. Da l'Acziun catolica èn resortidas: la Riga verda (1932) e la Riga blava (1933). Ses spiert sa manifestescha en la petiziun dal Corpus catolic grischun dals 4 da fanadur 1927 al Cussegl grond che pretendeva in'instrucziun confessional separada en ils roms istorgia e pedagogia al Seminari scolastic (refusada) e dapli scolasts catolics a la Scola chantunala grischuna. La conferenza dals investgs ha definì il 1937 l'Uniuin svizra da dunnas catolicas (fundada il 1912) sco represchentanta uffiziala da la vart feminina. Il champ il pli fritgaivel da l'Acziun catolica era però la Congregaziun Mariana, fundada a la fin dal Concil da Trent il 1563. Il spiert cumbattant da l'Acziun catolica è sa manifestà en il Grischun era en il Cumbat cultural retardà a la fin da la Segunda Guerra mundiala. En ils onns 1950 è il moviment s'indebli rapidamain ed ha pers sia muntada cun il Segund Concil vatican.

Alois Steiner

Lexicon Istoric Retic

Il LIR cumpiglia bundant 3100 artigels (geografics, tematics, artigels da famiglias e biografias) davart l'istorgia grischuna/retica e la Rumantschia. Editura: Fundaziun Lexicon Istoric Svizzer; versiun online: www.e-lir.ch; versiun stampada: www.casanova.ch u en mintga libreria.